

## UANDAKUA JURHIMBEKUECHERI K'UIRIPUECHERI PARHAKPENI ANAPU

### INCHAJPEKUA

Mitiparini eski jánguarhikua, jurhimbekua ka no jupiperakua parhakpeni jimbo jupikuarhisindi jeiooperakua jurhimbitku jangueri ka no ambe atarantskueri iamindu majku anapuecheri,

Mitiparini eski no eiangperakua ka isku eekua k'uiripuecheri jurhimbekua isi jimbosi xani no sesi kamerajjti; ka uandajjti, eski sanderu k'eri ambe ukua k'uiripuecheri, erokakua materu jaso irekakueri engakso k'uiripuecha, jurhajkutini ia chékua ka komu jáangua, sesi marhuataakaksi uandakua ka mamaru járhati jakajkukuechani,

Mitiparini sesimindu eski k'uiripuecheri jurhimbikuecha kuajpenaaka K'eri jurhimbikua jimbo, jimbokakso iso k'uiripuecha uatiksi no ambe jupikuarhini ka jauarani no sesi kamberakua jimbo,

Mitiparini istu eski uetarisinga etsekuni ka k'uiriperani iretecheri sesi pajperakua,

Mitiparini eski iretecha, Iretecheri kunguarhikua sesi jimbomendu uandajti ia imecheri jakajkua K'eri karáatarhu k'uiripuecheri jupikuarhikua jurhimbekueri, k'uiripueri k'uratsekua ka ts'ieukua ka majku jasi jukaparhperakua ts'iuertiticheri ka uarhecheri; ka uandastiksi ia eskaksi uaka ambakiti ambe ireskuni ka irekakua ambe sesi uaxastani eratsiparini eskaksi usinga janguarhikuarhini,

Mitiparini eskiksi K'erhati Irechekuecha eiakurhistiksi sesi, jarhaujpeni indeni kunguarhikua Organisasioni de las Naciones Unidas jingoni, iamendu jajajarperani ka urauani jurhimbekuechani ka janguarhikuechani k'uiripuecheri, ka

Mitiparini eski sesi mitiakaksi iamendu ieni jasi jurhimbekuechani ka jánguarhikuechani sanderu jukaparhakuesti ka inde eiakurhikuan uni isi ukuarhini,

### K'ERI TANGUARHIKUA uandasindi

I K'eri Uandakua K'uiripuecheri Jurhimbikuecha Parhakpeni Anapu iamenduchani majku jasi eraaparini eskiksi iamendu iretecha janguarhentaakaksi, eskaksi xani k'uiripuecha eski k'umanchikua juramukuecha imani exeparini mititpeakaksi jorhentpeparini ka kaxomperakua jimbo, ini ambe jajajarhini, uaxastaatikso, sapani arhipani iapurhu iso, jiokurhigaati ka sesi urangaati, xani iretecha engakso kurhpitini jaka ka engaksojtu iretecha jima jupindakuarhitini jaka.

#### Arhujtakua 1

Iamendu k'uiripuecha janguarhiparini ka majku jarhati ka jurhimbekuecha jingoni kueraangasondikso ka, juajtakuarhisindiksi ambakiti eratsekua ka kaxumbikua, jatsistiksi eskaksi sesi arhijperaaka.

#### Arhujtakua 2

Iamendu k'uiripuecha jatsistiksi iamendu jurhimbekuechani ka janguarhikuechani engaksi ixu uandajka, na uejiki jasi iurhiri jatani, xarharani, ts'iuerati o uarhi, uandani, cheregeni, eratseni o materu jangua kamani, nani uejki anapueni, jatsikurhini tumina o no ambe, kueraakateni o materu jasi ambe uni o jamani.

Istu, no ima pangaati naki enga kunguarhikua juramukueri jamaaka, naki uejkini o nani uejki anapueni enga jupindakurhitini jauaka ma k'uiripu, xani enga ma paisi juramukuarhiti anapueuaka, eski ima irechekua enga no iamendu ambe jandiajku juramukuarhiaka.

#### Arhujtakua 3

Iamendu k'uiripuecha jurhimbekua jatsistiksi jamani i parhakpeni, janguarhikuarhini ka tsipekua kuajpemengani.

#### Arhujtakua 4

No nema jamaati isku anchikuarhitsipeni nijtu isku jantspeni; isku anchikuarhitsipekua no sesikua jarhasti ka ni niatatsipetichani ataraantani o piauni na uejki jasi jimboeni.

#### Arhujtakua 5

No nema jatsisti eski komku kangaaka o eski k'uratsekueni jaso ambe kangantaaka.

#### Arhujtakua 6

Iamendu k'uiripuecha jurhimbekua jatsisksi, iapurhu isi, eski jajajarhigaaka na uejki jasoeni.

#### Arhujtakua 7

Iamenduksi majku jastisti jurhimbekuarhu jimbo ka jatsistiksi, ne uejkini, majku jasi kuajpikurhinskua, jurhimbekuecha jingoni. Iamenduksi majku jasi kuajpekuarhinskua jatsisti ne enga t'auajchakuaka ka no paaka ini uandakuani ka eratsekuani.

#### Arhujtakua 8

Iamendu k'uiripuecha jurhimbikua jatsisti jupikuarhini ambe enga kuajpintaaka, enga tsandpemeaaka kuramukperakuarhu, eska kuajpenantaaka enga imeri jurhimbekuechani t'auajchakumegaaka.

#### Arhujtakua 9

No nema uati isikumendu undani jupigani, ojanani ni chutajantani o petaatagani.

#### Arhujtakua 10

Iamendu k'uiripu jurhimbekua jatsisti, mangueni jatini, eska kurajchangaaka ka eska sesi kurangumengantaaka, eskakso juramuticha no nema jingoni k'uitsapeaka, eratseparinksi imecheri jurhimbekuechani ka janguuechani, o engaksi uekaka mitikuni ambesi tsijpa.

#### Arhujtakua 11

Iamendu k'uiripu tsandpemejakata ma ambe tso

No nema jupigaati ka ojanani enga jiajkani enga tso

#### Arhujtakua 12

No noma inchakumegaati imeri irekakuarhikua jimbo imeri japindembekuarhu, imeri k'umanchikuarhu o imeri ambe axatsooperakuarhunijtu churegani jaakuarhimegani ambe. Ini ambe jimbo iamendu k'uiripu jatsisti jurhimbekua eska kuajpikurhintaaka.

#### Arhujtakua 13

Iamendu k'uiripu jurhimbekua jatsisti jamani ka erakukuarhini nani enga irekaaka ma Irechekuarhu.

Iamendu k'uiripu jurhimbekua jatsisti ueakuni ma o imeri paisirhu ka menderu ichaakuntani.

#### Arhujtakua 14

Enga andangujani o jupinakuekani jauaka

I jurhimbekua no uati uanakutani o kurajkuarhini ma ambe tsijpakua jimbo enga ambe arhijka Naciones Unidasirhu.

Arhujtakua 15

Iamendu k'uiripu jurhimbikua jatsisti nani enga anapueuaka.

No nema euakuarhegaati jurhimbikua isku undani nani enga anapueuaka o irekaaka ka majku jastu enga uekaaka mojtakukuarhini materu o tamu iso

Arhujtakua 16

Ts'iueriticha ka uárhicha, engaksi tumbiuaka ia ka iurhitskirini ia, jurhimbikua jatsistiksi, no p'ingunaparini iurhiri anapuekua o cheregekua jimbo, tembuchani o uambuchani ka ireskuni ma japindembekua; ka majku jaso marhuataatiksi jurhimbikuechani engaksi tembungurhitini jauaka ia ka istu engaksi jurhajkperaaka.

Jeiokeeperarinski ka uekapparinkuksi uati tembungurhirini.

Japindembekua kueraakatesti parhakpenirhu ka jurhimbikua jarhasti eskiksi ireta ka Irechekua kuajpiaka ka jarhuatpeaka.

Arhujtakua 17

Iamendu k'uiripu jurhimbekua jatsisti eski mamaru ambe jandiajku minguarhiaka, ka istu kunguarhuntatini mamaru ambe jatsikuarhini materu k'uiripuecha jingoni.

No nema euakuarhigaati iskumendu imeri jatsikuarhikua ambe.

Arhujtakua 18

Iamendu k'uiripu jurhimbekua jatsisti eratseni eski na uekaaka, jagaskani ka cheregentu iso; i jurhimbekujtu arhisindi eski ugaaka mojtakuni cheregekua ka jokajkukua, istu uandani na jaso cheregesondi ka jakajkusindi, jandiajku ka uanekuecha jingoni, xani eski mitikuarhiaka ka eskajtu no ambe, jorhenguarhikua jimbo, isi ukua jimbo, jangua ka exekua jimbo.

Arhujtakua 19

Iamendu k'uiripuecha jurhimbekua jatsistiksi arhipeni ka uandani; i jurhimbekujtu arhisindi eski no ambe ma arhigaaka ambe enga uandaaka, ka etsakuni, mamaru jasi ambe etsakutarakua jimbo.

Arhujtakua 20

Iamendu k'uiripuecha sesikua jasistiksi tanguarhigantani ka kunguarhigantani kasopekua jingoni.

No nemanksi uati uingarhitani eski ma kunguarhikua jingoniuka.

Arhujtakua 21

Iamendu k'uiripu jatsisti sesikua uni andaparakuerani k'eri juramukuarhu, andaparakuerani o enga erakuntskuarhu ueraaka.

Iamendu k'uiripu sesikua jatsisti eski majku jasi ambe uaka terugarhitagani juramukua imeri paisirhu.

K'uiripuери eratsekua ireteri anapu majkuesti jupitsekua uigapikua enga ireta uandaaka juramukueri; i kuramukperati uati ma juramitini jatsini erakuntskuarhu engakso ukuarheni jauaka na jatini enga k'uaniaka, erakuntaparini sipatinku o iamendu exegaparini.

Arhujtakua 22

Iamendu k'uiripu, jimboka iretarhu anapueka, jurhimbikua jatsisti jagangarhikua kuajperata intsonani jarhuajperaparini iamendu juramukuecha jingoni juchari puindetsikuarhu jimbo ka tepetsekuarhu, marhuatani tumini juchari Irechekuarhu anapu, enga uetarka imeri jagaskua sesi jaxeaka ka t'arhexeaka.

Arhujtakua 23

Iamendu k'uiripu jatsisti eski intsigaaka ma anchekuarheta, eski ima na jasi jagaskatini jauaka, majkueni eski maruteruecheri ka eska kuajpegaaka enga niatakua no ambe jatsikuarhiaka.

Iamendu k'uiripu jurhimbekua jatsisti, no amutagantaparini, eski meiamugaaka ambe ka na xani enga anchikuarhitini jauaka.

Iamendu k'uiripu enga anchikuarhijka jurhimbikua jatsisti eska sesi meiamugaaka ka sesi exeaka, eski uaka nitamakuarhini ka sesi irekakuarhitarani imeri anapuecha jingoni.

Iamendu k'uiripu sesikua jatsisti kunguarhikuechani uaxastaani ka imajtu inchajpeni kunguarhekuarhu ka isi uni kuapini imeri anchikurhikuani.

Arhujtakua 24

Iamu k'uiripu jatsikuarhesti jurhimbekua mintsikuarhekua, jurhitenchakuarhekua, sesku atakua anchakuarhekua ka isijtu jakua na jasi jimbo jandajpekua meiamukata.

Arhujtakua 25

Iamu k'uiripu jatsikuarhesti jurhimbekua jurhimbejsitatakua tsipekueri terukutakata imangi tatetspekuuaka, ka isijtu imeri exenchperakuani, uratajperantskua, ka sesi jakua, ka t'irekua jindemendo, xukuparhakua, irekua, tsinajperakua ka imangi uetarhiuka ireteri manaratsperakua; ka isijtu jatsisti jurhimbekua tataetsperakuechani, iki no jatsikuarheuka anchekuarheta, p'amenchakua, no ambouakua, tsindikua, t'arhepekua o materu ambe jimbo enga tsitooka imeri nitamanchakua imangi jimbo no isi atini jauaka.

Kuxarhekua ka uajpa sapichuekua jurhimbekua jatsikuarhestiksi jukauantskuaechani ka jandiojko jarhutakuaechani. Iamendu takiecha, jupiukata tembuchakua o uerakua tembuchakuarhu, jurhimbekua jatsisti majku jasi kuangani iretarhu.

Arhujtakua 26

Iamu k'uiripu jurhimbekua jatsikuarhesti ambonastakua intso

Ambonastajperakua niarauati iamu p'irakuni k'uiripekua k'uiripuchaeueri ka uigaperani jagangarhikua jurhimbekua k'uiripuecheri ka janguarhekuaechanijku, uigaperauati kurhangukua, tekaantskua ka sesi pajperakua iamu sorangua k'uiripucheri ka iamu iretecheri o cheregekuaecheri, ka manatooti p'irakukua niatakuaecha Kunguarhekua So

Tatambaecha uati erakuni na jasi ambonastajperakua uekasini intskuni uajpechani.

Arhujtakua 27

Iamu k'uiripu jurhimbekua jatsikuarhesti jandijku inchamukuni mimixekua tsipekuarhu ireteri, maruutani anchekuarheta imangi tsitieka ka inchajpeni jurhenguarhu imangi urhepani jauaka ka jurhiatenchakua imangiksi jima uerooka.

Iamu k'uiripu jatsikuarhesti jurhimbekua kuajperantskua imeri pejparikuaechani sesi jangua ka kejtaskuarhekuecheri imangiksi k'uaninchooka, anchekuarheta petakua, mimxekua, karakua o imecheri sesi niatakua jimbo.

Arhujtakua 28

Iamu k'uiripu jurhimbekua jatsikuarhesti esiki ikaskunooka ma ireteri uandangukata ka iamu sirukua k'uiripuecheri jininga jurhimbekuaecha ka janguarhekuecha enga eiamarhijperanjaka i ambonastajperakuarhu esoka isi niatakuarheuka.

#### Arhujtakua 29

Iamu K'uiripu jatsikuarhesti eiauandakuarhekuaechani ireta jinguni, jimboka jimajku uaka kuerakuarheni jandijku imeri K'uiripekua.

Niatakua iameueri jurhimbekuaecha ka marhunchakua imaeueri janguarhekuaecha, iamu K'uiripu engauati jupikakata jima jimberu esika na uandakata jauaka uandaskukatarhu jimbokijtu isiijku uati uingamu jupikani mitejperantskua ka jaganarhikua jurhimbekua ka janguaecheri, ireteri uandangkata ka sesi irekua ma iretarhu imangi jauaka ireteri juramukua.

I jurhimbekuaecha ka jandijku hanguarhekua no uati mentjikusi niatakuarheni tanatskuarhekuni uengurhikua ka uandgekuaechani Kunguarhekua Ma Sorangua K'uiripuecheri.

#### Arhujtakua 30

No ambe ma i amogastajperakua uati kurhangukuarheni esoki intskusinga jurhimbekua irechakuani, ma umbatsekuani o ma K'uiripuni, uenani ka piirakuni niatakuechani o niatani ambe ma imangisi texurhiuaka kenditani nakinderku ma jurhimbekuechani ka jandijku janguarhekauechani eiamarhijperakatecha i amogastajperakuarhu.